



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola II. Leonis Papae IX. Ad Episcopos Venetiae Et Istriae. Praecipit vt patriarchae Gradensi, cuius primatum ab apostolica sede concessum in Synodo confirmarat, obedientiam praebeant.

urn:nbn:de:hbz:466:1-15625

EPISTOLA II.

LEONIS PAPÆ IX.

AD EPISCOPOS VENETIÆ ET ISTRIÆ.

Præcipit vt patriarchæ Gradenſi, cuius primatum ab apostolica ſede conſeſſum in Synodo confirmat, obedientiam præbeant.

Leo episcopus ſeruus ſeruorum Dei omnibus episcopis Venetiæ & Iſtriæ ſalutem & apoſtolicam benedictionem.

NOVERIT veſtra cariffima nobis in Chriſto fraternitas, hac in præſenti indiſtione ſexta, cariffimum confratrem noſtrum Dominicum Gradenſem, imo nouæ Aquileiæ patriarcham, ad Synodum noſtram Romæ habitam veniſſe, & querimoniam de ſua & Foroiulienſi eccleſia, quam credimus vos non ignorare, lacrymabiliter coram feciſſe. Cuius tandem relectis priuilegiis a ſancta Romana & apoſtolica ſede ſibi conſeſſis, iudicio totius ſanctæ Synodi hoc definitum fuit, Vt noua Aquileia totius Venetiæ & Iſtriæ caput & metropolis perpetuo haberetur, ſecundum quod euidentiffima prædeceſſorum noſtrorum adſtruebant priuilegia. Foroiulienſis vero antiſtes, tantummodo finibus Longobardorum eſſet contentus, iuxta priuilegium Gregorii II. & retractationem tertii. Et hoc quidem extra patientiam Canonum ei pro magno conſeſſimus, quia quater iam vocatus a nobis nec venit, nec excuſauit, cum Gradenſis, id eſt nouæ Aquileiæ patriarcha, quinquies noſtræ Synodo, etiam non vocatus, interſuerit. Vnde monendo mandamus, & præcipimus vobis ex parte Dei, & ſancti Petri, & noſtra, vt præfato Gradenſi patriarchæ ſucceſſoribusque eius in omnibus, ſecundum iura canonica, obedientes ſitis, ſicut primati veſtro & patriarchæ eſſe debetis, & ſicut anteceſſoribus eius noſtri perpetuo confirmarunt. Et ſi quid ſui iuris in urbibus veſtris vel parochiis continetur, quod ſuo dominatui merito debeat ſubdi, nullus veſtrum ſibi contradicere præſumat. Si quis vero veſtrum quidquam iuſtæ querimoniam aduerſus eum videtur habere, aut coram vobis confratribus & comprouincialibus cauſam ſuam proferat, & cum

eo, si potuerit, pacifice diffiniat, aut in præsentiam nostram vtraque pars examinanda veniat, salua sibi interim per omnia & patriarchali reuerentia, & proprietate sua. Quod si extra feceritis, sententia canonica super vos vigilabit.

EPISTOLA III.

LEONIS PAPÆ IX.

AD THOMAM EPISCOPVM AFRICANVM.

Ostendit Carthaginensem archiepiscopum totius Africae esse primatem: Gummitanum vero episcopum sine illius consensu nec episcopos consecrare, nec prouinciale Concilium conuocare posse: solius autem Romani pontificis esse & episcopos deponere, & generalia Concilia indicere.

*Leo episcopus seruus seruorum Dei Thomæ confratri carissimo
& coepiscopo salutem.*

CVM ex venerabilium Canonum auctoritate recolimus ducentos quinque episcopos Concilio interfuisse Carthaginensi, & nunc a tua fraternitate audimus, quinque vix episcopos superesse in tota Africa, vtique tertia huius corruptibilis mundi parte, compatimur tanta vestrae imminutioni totis visceribus animi. Cum autem ipsas Christianitatis reliquias ediscimus interna & mutua dissensione discindi & dispergi, & aduersus se inuicem zelo & contentione principatus inflari, nil aliud nobis primo dicendum occurrit, quam illud sancti Amos vatis: *Parce, Domine, parce obsecro: quis suscitabit Iacob, quia paruulus est?* Amos 7. Sed quamuis in tali tantoque defectu religionis plurimum doleamus, multum tamen gaudemus, quia sanctæ Romanæ ecclesiæ matris vestrae sententiam requiritis & expectatis super quæstionibus vestris: & quasi riuulis ab vno fonte erumpentibus, & in suo se cursu per diuersa spargentibus, ad ipsius fontis primam scaturiginem reuerti debere optimum putatis, vt inde resumatis directionis vestigium, vnde sumpistis totius Christianæ religionis exordium. Noueris ergo procul dubio, quia post Romanum pontificem primus archiepiscopus & to-